

評註
增補唐詩選

自三至五
五七言律排律

W48
26

增補唐詩選卷之三

明 濟南李攀龍 選

清 虞山錢謙益 評

日本 齋藤實穎抄錄

五言律 律體之興。雖自唐始。蓋由梁陳以來。儷句之漸也。唐人工之者衆。習尚相高。遂臻美妙。

野望


王績

東臯薄暮望 起句即破題 徙倚欲何依 樹樹皆秋色 秋色補題

不足且 山山惟落暉 暉落暉應薄暮且 牧人驅犢返 獵
生結意 馬帶禽歸相顧無相識 長歌懷采薇

從軍行 樂府題

楊炯



45.6.10
830661

烽火照西京。心中自不平。牙璋辭鳳闕。鐵騎繞龍城。
雪暗凋旗畫。風多雜鼓聲。寧為百夫長。勝作一書生。

杜少府之任蜀州今崇慶府

王勃

城闕輔三秦。風烟望五津。與君離別意。同是宦遊人。
海內存知己。天涯若比隣。無為在歧路。兒女共沾巾。

文翁講堂

盧照鄰

錦里淹中館。岷山樓下亭。空梁無燕雀。古壁有丹青。
槐落猶疑市。苔深不辨銘。良哉二千石。江漢表遺靈。

晚次樂鄉縣縣在荆州江陵之地

陳子昂

故鄉杳無際。日暮且孤征。川原迷舊國。道路入邊城。

野戍荒烟斷。深山古木平。當此景。幾有此語。無句如法。無字眼。天然之妙。

何此時。恨嗷嗷。夜猿鳴。亦一轉法

春夜別友人送之河南

銀燭吐清烟。金尊對綺筵。離堂思琴瑟。別路繞山川。

明月隱高樹。長河沒曉天。五六語佳。第明月長河悠以秋夜不見春景字。

悠洛陽去。此會在何年。

送別崔著作東征崔融

金天方肅殺。白露始專征。王師非樂戰。之子慎佳兵。

首二句方始兩字見因時而動故以此二句承之海氣侵南部。邊風掃北平。

莫賣盧龍塞。歸邀麟閣名。

和韋承慶過義陽公主山池 杜審言

徑轉危峰逼。橋迴缺岸妨。玉泉移酒味。石髓換粳香。
綰霧青絲弱。牽風紫蔓長。猶言宴水少。別向後池塘。

送崔融

君王行出將。書記遠從征。祖帳連河關。軍麾動落城。
旌旗朝朔氣。笳吹夜邊聲。坐覺烟塵掃。秋風古北平。

蓬萊三殿侍宴奉勅咏終南山 唐大明宮內次北有紫宸蓬萊

含元殿

北斗挂城邊。南山倚殿前。雲標金闕迥。樹杪玉堂懸。
半嶺通佳氣。中峰繞瑞烟。小臣持獻壽。長此戴堯天。

和晉陵陸丞相早春遊望 吾常漢為昆陵晉更晉陵

獨有宦遊人。偏驚物候新。獨有偏驚忽聞是機括 雲霞出海曙。

梅柳度江春。淑氣催黃鳥。晴光轉綠蘋。忽聞歌古調。

歸思欲沾巾。

和康五望月有懷

明月高秋迥。愁人獨夜看。暫將弓並曲。翻與扇俱圓。

三四近俗。俗人顧獨稱之。其佳思乃在五六。 露濯清輝苦。風飄素影寒。羅

衣一此鑿。頓使別離難。

夜宿七盤嶺 一統志七盤嶺在漢中府褒城縣治北 沈佺期

獨遊千里外。高臥七盤西。山月臨窓近。天河入戶低。

芳春平仲綠清夜子規啼浮客空留聽褒城聞曙鷄
扈從登封途中作 宋之問

帳殿鬱崔嵬仙遊亦壯哉曉雲連幕捲夜火雜星同
谷暗千旗出山鳴萬乘來扈遊良可賦終乏按天才

送沙門弘景道俊玄奘還荆州應制 桑門即沙門也

一乘歸淨域萬騎饒通莊就日離亭近彌天別路長

荆南旋杖鉢渭北限津梁何日舒真果還來入帝鄉

長寧公主東莊待宴 公主中宗女嫁楊慎 李嶠

別業臨青甸鳴鸞降紫霄長筵鴉鷺集仙管鳳凰調

樹接南山近烟寒北渚遙承恩咸已醉慈賞未還鑣

恩勅麗正殿書院賜宴應制得林字 開元十一年玄宗置麗正書院聚文學之士或修書或侍講以說為書院使 張說

東壁圖書府西園翰墨林誦詩聞國政講易見天心

位竊和羹重恩叨醉酒深載歌春興曲情竭為知音

還至端州驛前與高六別處 先是說至端州有詩別高六戲云異

環同羈竄途中喜共過愁多時舉酒勞罷或長歌南海風潮壯西江瘴癘多子焉復分手此別傷何如

舊館分江口凄然望落暉相逢傳旅食臨別換征衣
昔記山川是今傷人代非往來皆此路生死不同歸

幽州夜飲 薛置十二州分冀州為幽州并州即今京師之地唐改范陽郡

涼風吹夜雨。蕭瑟動寒林。正有高堂宴。能忘遲暮心。
軍中宜劍舞。塞上重笳音。不作邊城將。誰知恩遇深。

夜渡江

姚崇

夜渚帶浮烟。蒼茫晦遠天。舟輕不覺動。纜急始知牽。
聽草遙尋岸。聞香暗識蓮。唯看孤帆影。常恐客心懸。

宿雲門寺閣

寺在新之紹興雲門山今名廣孝

孫逖

香閣東山下。烟花象外幽。懸燈千嶂夕。捲幔五湖秋。
畫壁餘鴻鴈。紗窓宿斗牛。更疑天路近。夢與白雲遊。

送賀知章歸四明

并序

天寶三年太子賓客賀知章鑒知足之分抗

歸老之疏解組辭榮志期入道朕以其年在

遲暮用循挂冠之事乃命六卿庶尹大夫供

帳青門寵行邁也豈惟崇德尚齒抑亦勵俗

勸人無令二疏獨光漢冊乃賦詩贈行

知章年八

十有六。卧病寘然無知。疾指上表乞為道士。還鄉。明皇許之。捨宅為觀。賜名千秋。又求周宮湖數頃。為放生池。帝乃賜鏡湖剡川一曲。命其男僧子會稽郡司馬。賜耕魚使侍養。妨子亦聽為道士。詔令供帳。東門百寮祖餞。御製送詩。

玄宗皇帝

遺榮期入道。辭老竟抽簪。豈不惜賢達。其如高尚心。
寰中得秘要。方外散幽襟。獨有青門餞。羣寮悵別深。

幸蜀西至劍門

帝幸蜀回車駕至劍門。顧謂侍臣曰。劍門天險若此。自古及今

敗亡相繼豈非在德不在險耶因駐蹕題詩

劍閣橫雲峻鑿輿出狩回翠屏千仞合丹障五丁開
灌。水。紫。旗。轉。仙。雲。拂。馬。來。乘。時。方。在。德。嗟。爾。勒。銘。才。

塞下曲樂府題征戍十五曲之一

李白

塞。虜。乘。秋。下。天。兵。出。漢。家。將。軍。分。虎。竹。壯。士。臥。龍。沙。
邊。月。隨。弓。影。胡。霜。拂。劍。花。玉。關。如。未。入。少。婦。莫。長。嗟。

秋思樂府題在婦辭也

燕支黃葉落妾望自登臺海上碧雲斷單于秋色來
胡兵沙塞合漢使玉關回征客無歸日空悲蕙草摧
送友人

青山橫北郭白水遶東城此地一為別孤蓬萬里征
浮雲遊子意落日故人情揮手自茲去蕭蕭班馬鳴

送友人入蜀

見說蠶叢路崎嶇不易行山從人面起雲向馬頭生
芳樹籠秦棧春流遶蜀城升沉應已定不必問君平

秋登宣城謝眺北樓

江城如畫裏山曉望晴空兩水夾明鏡雙橋落彩虹
人烟寒橘柚秋色老梧桐中二聯言景所謂江城如畫者即指此誰念
北樓上臨風懷謝公

渡荆門送別一統志荆門州在湖廣北一百八十里

渡遠荆門外來從楚國遊山隨平野盡江入大荒流
月下飛天鏡雲生結海樓仍憐故鄉水萬里送行舟

終南山

王維

太乙近天都連山到海隅白雲迴望合青霽入看無
分野中峰變陰晴衆壑殊欲投人處宿隔水問樵夫

過香積寺

不知香積寺不知字女妙數里入雲峰古木無人徑

深山何處鐘甚淺易甚深泉聲咽危石日色冷青松

即景 貼 荒深意薄暮空潭曲安禪制毒龍

登辨覺寺

竹徑從初地蓮峰出化城窻中三楚盡林外九江平

三四冰其地餘嫩草承趺坐長松響梵聲空居法雲

外觀世得無生

送平淡然判官

不識陽關路新從定遠侯黃雲斷春色畫角起邊愁
瀚海經年別交河出塞流須令外國使知飲月支頭

送劉司直赴安西

安西已見今陝西行都司是

絕域陽關道胡烟與塞塵三春時有雁萬里少人行
是安西語首着隨天馬葡萄逐漢臣當令外國懼不敢覓

和親

送邢桂州

唐武德門置桂州都督府今廣西桂林府是

鏡吹喧京口風波下洞庭緒圻將赤岸擊汰復陽舫

三四各日日落江湖白潮來天地青五六非對明珠歸

合浦應逐使臣星

使至塞上

單車欲問邊屬國過居延征蓬出漢塞歸鴈入胡天

大漠孤烟直長河落日圓曠遠之景孤烟如蕭關逢

候吏都護在燕然

觀獵

風勁角弓鳴將軍獵渭城發瑞近古武元衛草枯馬

是驚鷹駉馬矯健當前忽過新豐市還歸細柳營面看射鵰處千里暮雲平

山居秋暝

空山新雨後天氣晚來秋明月松間照清泉石上流

譚云竹喧歸浣女蓮動下漁舟細極靜極隨意春芳

歌王孫自可留

送張子尉南海

廣州

不擇南州尉高堂有老親樓臺重蜃氣邑里雜鮫人

海暗三山雨花明五嶺春此鄉多賢玉慎勿厭清貧

寄左省杜拾遺參時為補闕

聯步趨丹陛言同分曹限紫微言不曉隨天仗入暮

惹御香歸白髮悲花落青雲羨鳥飛五嘆老六喻新

聖朝無闕事自覺諫書稀結有

登總持閣

高閣逼諸天登臨近日邊晴開萬井樹愁看五陵烟

檻外低素嶺窓中小涓川許者以為低素嶺見得高

意蚤知清淨理常願奉金仙

送劉評事充朔方判官賦得征馬嘶古樂府有

高適

征馬向邊州蕭々嘶未休思深長帶別聲斷為兼秋

做造岐路風將遠關山月共悠贈君從此去何日大

刀頭

送鄭侍御謫閩中今福建省閩地秦置閩

謫去君無恨閩中我舊過大都秋鴈少只是夜猿多

東路雲山合南天瘴癘和自當逢雨露行矣慎風波

使清夷軍入居庸

匹馬行將夕征途去轉難不知邊地別祇訝客衣單

溪。令。泉。聲。苦。山。空。木。葉。乾。莫。言。關。塞。極。雨。雪。尚。漫。

自剡北歸

驅馬剡門北北風邊馬哀蒼茫遠山口豁達胡天開

五將已深入前軍止半回誰憐不得意長劍獨歸來

醉後贈張九旭

世上謾相識此翁殊不然興來書自聖醉後語尤顛

白髮老閒事青雲在目前床頭一壺酒能更幾回眠

張旭善書當時以草聖名每大醉狂呼人呼曰顛

登兗州城樓天寶初客東都作後樓置人呼其故基為杜甫臺

杜甫

東郡趨庭日南樓縱目初浮雲連海岱平野入青徐

孤嶂秦碑在荒城魯殿餘中二聯皆縱目所見

慨之從來多古意臨眺獨躊躇多獨二字有照映日思從來則平昔懷抱

見曰獨則登樓者未必同知之

房兵曹胡馬

胡馬大宛名鋒稜瘦骨成竹批雙耳峻風入四蹄輕

所向無空闊真堪託死生驍騰有如此總上萬里可

橫行應空

春宿左省左省已見公時為左拾遺

花隱掖垣暮啾啾棲鳥過前四句皆省中星臨萬戶

動與風連西極動月傍九霄多不寢聽金鑰因風想

玉珂明朝有封事數問夜如何後四句見宿省之情

秦州雜詩唐志秦州天水郡屬隴右道時公以關輔饑棄華州司功客秦州

鳳林戈未息魚海路常難候火雲峰峻懸軍幕井乾

時西有吐蕃之亂風連西極動月過北庭寒故老思飛將何

時識築壇結句若非有懷定是自負

送遠

帶甲滿天地胡為君遠行親朋盡一哭鞍馬去孤城

草木歲月晚關河霜雪清別離已昨日因見古人情

題玄武禪師屋壁

梓州有玄武縣

何年顧虎頭滿壁畫滄洲赤日石林氣青天江海流

是畫錫飛常近雀杯度不驚鷗後四句善禪師此引

比且見圖中似得廬山路真隨慧遠遊

王臺觀

滕王元嬰任閬州刺史時造太乙天帝河在以此為臺

浩劫因王造平臺訪古遊絲雲蕭史駐觀內有滕王

句文字魯恭留又以此魯恭比滕王意觀宮闕通群帝

乾坤到十洲永心觀人傳有笙鶴時過北山頭

觀李固請司馬題山水圖

方丈渾連水天台總映雲人間長見畫老去恨空聞

自傷尼力之不繼也上句亦足憐人之不能往者范蠡舟偏小王喬鶴不群

其圖必西舟與鶴故以二子作聯此生隨萬物何處出塵氛

禹廟

忠州

禹廟空山裏秋風落日斜荒庭垂橘柚古屋畫龍蛇

雲氣生虛壁。江聲走白沙。中四句。咏其荒涼。蚤知乘四載疏

盤控三巴。末二句。追念語切。

旅夜書懷

細草微風岸。危檣獨夜舟。夜景之近而小者。星隨平野濶。月

湧大江流。夜景之遠而大者。此二句與後二句俱用單字起是句法。等間星月者一湧字。負

同。覺不名。豈文章著官。因老病休。後乃言情。飄々何所似。天

地一沙鷗。

船下夔州郭。宿雨濕不得。上岸別王十二判官

依沙宿舸船。石瀨月娟娟。風起春燈亂。江鳴夜雨懸。

晨鐘雲外濕。勝地石堂偏。柔艣輕鷗外。含悽覺汝賢。

登岳陽樓。樓有岳州下瞰洞庭。

昔聞洞庭水。今上岳陽樓。吳楚東南坼。乾坤日夜浮。

中與浮句。親朋無一字。言不復相存問。老病有孤舟。言無家。戎

馬關山北。憑軒涕泗流。時吐蕃犯京邑。按公自履武卒。即去蜀郡草堂遊雲夢。

客夔蜀亂。又去之岳陽。而吐蕃復入蜀。老病日侵。亂離未已。宜言詩哀而傷也。

曉望

白帝更深盡。陽臺曉色分。高峰寒上日。疊嶺宿蠻雲。

地坼江帆隱。天清木葉聞。荆扉對麤鹿。應共爾為群。

次北固山下。鎮江府治北。按南徐記。城西北有別嶺入江。三而臨水。高數十丈。其

勢險固。號曰北固。

王灣

客路青山外。行舟綠水前。潮平兩岸潤。風正一帆懸。
海日生殘夜。江春入舊年。鄉書何處達。歸鴈洛陽邊。

江南旅情 江聲一作鐘聲寄字 一作贈橋字一作陽 祖詠

楚山不可極。歸路但蕭條。海色晴看雨。江聲夜聽潮。
劍留南斗近。書寄北風遙。為報空潭橘。無謀寄洛橋。

蘇氏別業

別業居幽處。到來生隱心。南山當戶牖。澗水映園林。
竹覆終冬雪。庭昏未夕陰。寥寥人境外。閑坐聽春禽。

望秦川 三秦記函谷西至隴底相去千里曰關中亦曰秦川

李頎

秦川朝望迥。日出正東峰。遠近山河淨。迤邐城闕重。
秋聲萬戶竹。寒色五陵松。有客歸與嘆。淒其霜露濃。

登潤州城

丘為

天末江城晚。登臨客望迷。春潮平島嶼。殘雨隔虹蜺。
鳥與孤帆遠。烟和獨樹低。鄉山何處是。目斷廣陵西。

宿龍興寺 襄陽

綦毋潛

杳利夜忘歸。松清古殿扉。燈明方丈室。珠繫比丘衣。
白日傳心淨。青蓮喻法微。天花落不盡。處處鳥銜飛。

胡笳曲 樂府題 已見

王昌齡

城南虜已合。一夜幾重圍。自有金笳引。能令出塞飛。

聽臨關月苦清入海風微三奏高樓曉胡人掩淚歸

山行

殷遙

寂歷青山曉山行趣不稀稀字野花成子落五字中有化工

江燕引雛飛暗草薰苔徑晴楊掃石磯細而俗人猶

語此妙甚者忽余亦轉忘歸

同王徵君洞庭有懷

時謂以尚書郎出使夏口

張謂

八月洞庭秋瀟湘水北流還家萬里夢為客五更愁不用開書帙偏宜上酒樓故人京洛滿何日復同遊

破山寺後禪院

常建

清晨入古寺清境如初日照高林曲徑通幽處禪房花木深

三四不必偶自是一體山光悅鳥性潭影空人心空蓋亦古詩律詩之間

音與天空音與影同萬籟此俱寂惟聞鐘磬音

渡揚子江

即大江在鎮江府城西一江東注大海北距廣陵

丁仙之

桂楫中流望空波兩岸明林開揚子驛山出潤州城

海盡邊陰靜江寒朔吹生更聞楓葉下新歷度秋聲

聞笛

時守睢陽一題有軍中二字

張巡

岑堯試一臨虜騎附城陰附一作府不辨風塵色安知天

地心開門邊月近戰苦陣雲深旦夕更樓上遙聞橫

笛音。

岳陽晚景

張均

晚景寒鴉集。秋風旅鴈歸。水光浮日出。霞彩映江飛。
洲白蘆花吐。園紅柿葉稀。長沙卑濕地。九月未成衣。

穆陵關北逢人歸漁陽

劉長卿

逢君穆陵路。匹馬向秦乾。楚國蒼山古。幽州白日寒。
城池百戰後。耆舊幾家殘。處處蓬蒿徧。歸人掩淚看。

送少微師西行

隨緣忽西去。何日返東林。世路寧嗟別。空門久息心。
人烟一飯少。山雪獨行深。天外猿啼處。誰聞清梵音。

漢上題韋氏莊

戎昱

結茅同楚客。卜築漢江邊。日落數歸鳥。夜深聞扣舷。
水痕侵岸柳。山翠借厨烟。調笑提筐婦。春來蠶幾眠。

題松汀驛

張祐

山色遠含空。蒼茫驛國東。海明先見日。江白迥聞風。
鳥道高原去。人烟小徑通。那知舊遺逸。不在五湖中。

秋思

白居易

夕照紅於曉。晴空碧勝藍。獸形雲不一。弓勢月初三。
鴈思來天北。砧愁滿水南。蕭條秋氣味。未老已深諳。

春宵自遣

李商隱

地勝遺塵事身閒念歲華晚晴風過竹深夜月當花
當字有景尤有情石亂知泉咽苔荒任徑斜陶然恃琴酒
字熟在一特字點化忘却在山家

聖果寺

杭州南鳳凰山

釋慶默

路自中峰上盤回出薜蘿到江吳地盡隔岸越山多
此聯遂為武林佳偶古木叢青霽遙天浸白波下方城郭近鐘
磬雜笙歌

增補唐詩選卷之三終

增補唐詩選卷之四

明 濟南李攀龍 選

日本 齋藤實穎抄錄

清 虞山錢謙益 評

七言律

七言律詩又五言八句之變也在唐以前沈君攸七言儷句已近其調至唐人始專

此體

古意

樂府作獨不見

沈佺期

盧家少婦辭金堂

堂一作香按下句堂與梁相承為切當以堂為是

海燕雙

棲玳瑁梁九月寒砧催木葉十年征戍憶遼陽白狼

河北音書斷丹鳳城南秋夜長

玄菟一作丹鳳

誰為含愁獨

不見更教明月照流黃

龍池篇武后時長安隆慶坊南民家井隘浸城大池彌且數十頃丞相王子列第於其

北望氣者言嘗鬱鬱有帝王氣神龍五年中宗汎舟池上宴群臣以厭之號曰龍池即隆慶池也後玄宗即位以隆慶坊

舊邸為興慶宮作龍池樂舞

龍池躍龍龍已飛龍德先天天不違池開天漢分黃

道龍向天門入紫微五龍四天兩池律詩下字重者惟此為多分明故意是亦一法

邸第樓臺多氣色君王鳧雁有光輝為報寰中百川

水來朝此地莫東歸

侍宴安樂公主新宅應制公主中宗女也帝遷房陵而主生神龍初

制太平安樂等七公主各開府置官屬

皇家貴主好神仙別業初開雲漢邊山出盡如鳴鳳

嶺池成不讓飲龍川粧樓翠幌教春住舞閣金鋪借

日懸敬從乘輿來此地稱觴獻壽樂鈞天

紅樓院應制長安嘉猷觀中

紅樓疑見白毫光寺逼宸居福盛唐支遁愛山情漫

切曇摩泛海路空長經聲夜息聞天語鑪氣晨飄接

御香誰謂此中難可到自憐深院得徊翔

再入道場紀事應制

南方歸去再生天內殿今年異昔年見闢乾坤新定

位看題日月更高懸行隨香輦登仙路香輦登仙四字不斷好

坐近爐烟講法筵自喜深恩陪侍從兩朝長在聖人

前

遙同杜員外審言過嶺

題中遙字妙雲卿時為給事考功郎以張易

之敗長流驩州杜亦通易之流易之流峰州並嶺外

天長地潤嶺頭分去國離家見白雲洛浦風光何所

似崇山瘴癘不堪聞崇山一作青山非南浮漲海人何處北

望衡陽雁幾羣兩地江山萬餘里前六句字字是遙同却不明說此句

明說反覺淺了。何時重謁聖明君

興慶池侍宴應制

韋元旦

滄池潏沈帝城邊殊勝昆明鑿漢年夾岸旌旗疏輦

道中流簫鼓振樓船雲峯四起迎宸幄水樹千重入

御筵宴樂已深魚藻永承恩更欲奏甘泉

侍宴安樂公主新宅應制

沈佺期有詩見前

蘇廷

駸駸羽騎歷城池帝女樓臺向晚披露灑旌旗雲外

出風迴巖岫雨中移當軒半落天河水遠徑全低月

樹枝三四不及沈佺期五六過之簫鼓宸遊陪宴日和鳴雙鳳喜

來儀

奉和春日幸望春宮應制

宮在滄水西岸隋文帝建煬帝改曰長樂

宮唐復名望春宮

東望望春春可憐望春望春更逢晴日柳含烟宮中下

見南山盡城上平臨北斗懸下盡平懸四字遂細草盡高峻不見形迹

偏承回輦處。飛花故落舞觴前。偏故二宸遊對此歡
無極。鳥弄歌聲雜管絃。

奉和初春幸太平公主南莊應制公主武后所

諸女睿宗即位主推震天下宰相七人五出其門

主第山門起灞川。宸遊風景入初年。鳳皇樓下交天
仗。烏鵲橋頭敞御筵。纔是往往花間逢綵石。時時竹
裏見紅泉。今朝扈蹕平陽館。不羨乘槎雲漢邊。

三月三日承恩遊宴定昆池官莊

鳳皇樓下對天泉。鸚鵡洲中匝管絃。舊識平陽佳麗
地。今逢上巳盛明年。舟將水動千尋日。暮共林園兩

岸烟。不降王人觀袂飲。誰令醉舞拂賓筵。

幽州新歲作

張說

去歲荆南梅似雪。今年剡北雪如梅。共知人事何嘗
定。且喜年華去復來。邊鎮戍歌連日動。京城燎火徹
明開。遙遙西向長安日。願上南山壽一杯。

澠湖山寺

湖在岳州沅湘澠汨之餘波也

空山寂歷道心生。虛谷迢迢野鳥聲。禪室從來雲外
賞。香臺豈是世中情。雲間東嶺千重出。樹裏南湖一
片明。若使巢由同此意。不將蘿薜易簪纓。

遙同蔡起居偃松篇

清都衆木總榮芬。傳道孤松最出羣。名接天庭多景色。氣連宮闕借氛氲。懸池的的停華路。偃蓋重重拂瑞雲。不惜流膏助仙鼎。願將積幹捧明君。說集此下有莫比真

靈苑南樹朽考江邊代不聞二句。

奉和春日出苑矚目應令

玄宗為太子時有詩曾時為太子舍人使

在東都

銅龍曉闕問安迴。金輅春遊博望開。渭水晴光搖草樹。終南佳氣入樓臺。招賢已從商山老。托乘還徵鄴下才。臣在東南獨留滯。忻逢睿藻日邊來。

奉和初春幸太平公主南莊應制

蘇邕有詩見前

李邕

傳聞銀漢支機石。復見金輿出紫微。織女橋邊烏鵲起。仙人樓上鳳皇飛。與小許公作難為兄弟流風入座飄歌扇。瀑水當階濺舞衣。今日還同犯牛斗。乘槎共泛海潮歸。

和左司張員外自洛使入京中路先赴長安逢立春日贈韋侍郎及諸公

題妙婉曲可法○唐中書省有左右司

忽覩雲間數鴈迴。更逢山上一花開。河邊淑氣迎春林。下輕風待落梅。秋憲府中高唱入春卿。署裏和歌來共言東閣招賢地。自有西征作賦才。長題不難得境難于

氣貫此作得之第雲間山上河邊
林下府中署裏東閣西征太北

黃鶴樓在武昌城西南隅黃鶴磯上世傳費文禕登仙駕黃鶴返憇於此

崔顥

昔人已乘白雲去。此地空餘黃鶴樓。黃鶴一去不復

返。白雲千載空悠悠。前四句敘晴川歷歷漢陽樹芳

草萋萋。鸚鵡洲日暮鄉關何處是。烟波江上使人愁。

後四句寓感慨之情

行經華陰縣屬華州以在華山之陰故名

岩崑太華俯咸京。天外三山削不成。武帝祠前雲

欲散。仙人掌上雨初晴。河山北枕秦關險。驛路西連

漢時平。完借問路旁名利客。無如此處學長生。前六句雅

渾。獨結語似中唐

登金陵鳳凰臺金陵今應天府楚威王因其地有王氣埋金鎮之故名。三國吳

東晉宋齊梁陳並都此臺故基在江寧縣治

南宋元嘉中有鳳皇集于山因起臺其上

鳳皇臺上鳳皇遊。鳳去臺空江自流。吳宮花草理幽

徑。晉代衣冠成古丘。三山半落青天外。二水中分白

鷺洲。總為浮雲能蔽日。長安不見使人愁。

送駕監歸四明應制舊唐地理志明州餘姚郡取四明山為名今為寧波

府一統志四明山在寧波府城西南一百五十里上有石窓四穴通日月星辰之光故曰

增補

卷之四

下

明四

久辭榮祿遂初衣。曾向長生說息機。真訣自從茅山得。恩波應許洞庭歸。瑤臺含霧星辰滿。仙嶠浮空島嶼微。借問欲栖珠樹鶴。何年却向帝城飛。

早朝大明宮呈兩省僚友唐志東內有大明宮。即永安宮。又改蓬萊宮。

賈至

銀燭朝天紫陌長。禁城春色曉蒼蒼。千條弱柳垂青

瑣。百轉流鶯遶建章。前四句。早朝時景物。劍珮聲隨玉墀步。衣

冠身惹御爐香。五六早朝時事。身惹一作氣接。共沐恩波鳳池上。朝

朝染翰侍君王。末二句。有呈僚友意在共沐二字上。見結三字淺。

和賈至舍人早朝大明宮之作 王維

絳幘雞人報曉籌。尚衣方進翠雲裘。九天閭闔開宮

殿。萬國衣冠拜冕旒。帖子語。頗不癡重。日色纔臨仙掌動。香

烟欲傍袞龍浮。朝罷須裁五色詔。珮聲歸到鳳池頭。

結歸着賈舍人

和太常韋主簿五郎溫泉寓目陽山麓有溫泉。唐時治湯為池。

環山列宮。

漢主離宮接露臺。秦川一半夕陽開。青山盡是朱旗

繞。碧澗翻從玉殿來。新豐市裏行人度。小苑城邊獵

騎回。只拈面前意思。詩有別才如此。聞說甘泉能獻賦。懸知獨有子

雲才

大同殿生玉芝龍池上有慶雲百官共覩聖恩

便賜燕樂敢書即事興慶宮正殿曰大同東北即龍池殿天寶中有玉芝

產大同殿柱礎

欲笑周文訝燕鎬還輕漢武樂橫汾豈知玉殿生三

秀詎有銅池出五雲陌上堯尊傾北斗樓前舜樂動

南薰共歡天意同人意萬歲千秋奉聖君

奉和聖製從蓬萊向興慶閣道中留春雨中春

望之作應制大明宮初名蓬萊興慶閣在興慶宮內

渭水自縈秦塞曲黃山舊繞漢宮斜鸞輿迥出千門

柳閣道迴看上苑花日迥日迴盛唐用字只如此不類小家雲裏帝城

雙鳳闕雨中春樹萬人家為乘陽氣行時令不是宸

遊玩物華

敕賜百官櫻桃唐李潮歲時記四月一日內園進櫻桃寢廟薦訖頒賜百官各

有差維時為文部郎中

芙蓉闕下會千官紫禁朱櫻出上蘭纔是寢園春薦

後纔字與下句還有照應今本作總非非關御苑鳥銜殘歸鞍競帶青

絲籠中使頻傾赤玉盤飽食不須愁內熱大官還有

蔗漿寒將無作有見君恩有餘

酌酒與裴迪

增補

卷之四

八

酌酒與君君自寬。人情翻覆似波瀾。白首相知猶按劍。朱門先達笑彈冠。草色全經細雨濕。花枝欲動春風寒。中四句正說人情翻覆世事浮雲何足問。不如高卧且加餐。

酬郭給事

洞門高閣靄餘暉。桃李陰陰柳絮飛。禁裏踈鐘官舍晚。省中啼鳥吏人稀。晨搖玉佩趨金殿。夕奉天書拜瑣闈。強欲從君無那老。將因卧病解朝衣。

過乘如禪師蕭居士嵩丘蘭若

嵩丘即嵩山梵言阿蘭若唐言

無諍也遠離處

無著天親弟與兄。此禪師與居士嵩丘蘭若一峯晴。食隨鳴磬巢鳥下。行踏空林落葉聲。迸水定侵香案濕。雨花應共石牀平。深洞長松何所有。儼然天竺古先生。禪謂

即居士

奉和聖製從蓬萊向興慶閣道中留春雨中春

望之作應制

王維有詩見前○蓬萊與慶望春唐之三宮

李愷

別館春還淑氣催。三宮路轉鳳皇臺。雲飛北闕輕陰散。雨歇南山積翠來。御柳遙隨天仗發。林花不待晚風開。已知聖澤深無限。更喜年芳入睿才。與王作亦相敵

九日登高

李頎

青山遠近帶皇州。霽景重陽上北樓。雨歇庭臯仙菊
潤。霜飛天苑御梨秋。茱萸插鬢花宜賞。翡翠橫釵舞
作愁。謾說陶潛籬下醉。何嘗得見此風流。

送魏萬之京

朝聞遊子唱離歌。昨夜微霜初度河。鴻雁不堪愁裏
聽。雲山况是客中過。關城曙色催寒近。御苑砧聲向
晚多。莫是長安行樂處。空令歲月易蹉跎。結蘊奇興
含蓄不露

寄盧司勳員外

流澌臘月下河陽。草色新年發建章。秦地立春傳太
史。漢宮題柱憶仙郎。歸鴻欲度千門雪。侍女新添五

夜香。早晚薦雄文似者。故人今已賦長楊。高雅有致

題璿公山池

遠公遁跡廬山岑。開士幽居祇樹林。片石孤雲窺色
相。清池皓月照禪心。孤雲一作孤峯。皓月一作白月。
非既言片石又曰孤峯不免疊
床架屋若白月則前無所本。指揮如意天花落坐卧
只是杜撰改換字之端耳。
閒房春草深。看他不拘處。靜此外俗塵都不染。唯
時誦之道心自生。
餘玄度得相尋。

寄綦毋三

新加大邑綬仍黃。近與單車向洛陽。顧盼一過丞相
府。風流三接令公香。南川梗稻花侵縣。西嶺雲霞色

滿堂共道進賢蒙上賞看君幾歲作臺郎

送李回

知君官屬大司農詔幸驪山職事雄歲發金錢供御
府書看仙液注離宮千巖曙雪旗門上十月寒花輦
路中不覩聲名與文物自傷留滯去關東結句宕而厚悲而老

宿瑩公禪房聞梵

梵音亦曰梵
嚶讚詠聲也

花宮仙梵遠微微月隱高城鐘漏稀夜動霜林驚落
葉曉聞天籟發清機蕭條已入寒空靜颯杳仍隨秋
雨飛微妙處只似人作五言律非大手不能始覺浮生無定著頓令心
地欲皈依寬緩絕難

欠

MISSING

銅柱珠崖道路難。伏波橫海舊登壇。越人自貢珊瑚樹。漢使何勞獬豸冠。三四。譏御史不當貢獻。疲馬山中。愁日晚。孤舟江上。畏春寒。由來此貨稱難得。多恐君玉不忍看。

西亭子言懷

數叢芳草在堂陰。幾處閑花映竹林。攀樹玄猿呼郡吏。傍谿白鳥應家禽。從官麻簿領中寫。出義皇桃源在。目。青山看景知高下。流水聞聲覺淺深。譚云。官屬不令拘禮數。時時緩步一相尋。

送李少府貶峽中王少府貶長沙 高適

嗟君此別意何如。駐馬銜杯問謫居。起句總說巫峽

啼猿數行淚。銜陽歸鴈幾封書。青楓江上秋天遠。白

帝城邊古木疎。中聯以二人論地分說。恰好處中

聖代卽今多雨露。暫時分手莫躊躇。就中便舍別態

夜別韋司士

高館張燈酒復清。夜鐘殘月雁歸聲。只言帝鳥堪求

侶。無那春風欲送行。黃河曲裏沙爲岸。白馬津邊柳

向城。莫怨他鄉暫離別。知君到處有逢迎。適絕句莫

識。知已天下誰人不識。君即此詩結意。

奉和送杜相公發益昌

岑參

相國臨戎別帝京。擁麾持節遠橫行。朝登劍閣雲隨

馬。夜渡巴江雨洗兵。山花萬朵迎征蓋。川柳千條拂

去旌。暫到蜀城應計日。須知明主待持衡。

和賈至舍人早朝大明宮之作

鷄鳴紫陌曙光寒。鶯囀皇州春色闌。皇紫假對金闕曉鐘

開。萬戶玉階仙仗擁。千官花迎劍佩星。初落柳拂旌

旗。露未乾。獨有鳳皇池上客。陽春一曲和皆難。

和祠部王員外雪後早朝即事

長安雪後似春歸。積素凝華連曙輝。色借玉珂迷曉

騎。光添銀燭晃朝衣。百鍊成字。十鍊成句。不可言。西山落月臨天

仗北關晴雲捧禁闈。聞道仙郎歌白雪。由來此曲和人稀。溫。醜。清。油。而。音。律。雄。渾。行。乎。其。中。○。雪。後。早。朝。句。句。不。放。過。意。語。亦。切。事。後。州。

西掖省卽事

西掖重雲開曙暉。北山疎雨點朝衣。千門柳色連青瑣。三殿花香入紫微。平明端笏陪鸞列。薄暮垂鞭信馬歸。官拙自悲頭白盡。不如巖下偃荆扉。

九日使君席奉薦衛中丞赴長水

節使橫行西出師。鳴弓擐甲羽林兒。臺上霜威凌草木。軍中殺氣傍旌旗。預知漢將宣威日。正是胡塵欲滅時。前六句說。下半題。為報使君多泛菊。更將絃管醉東籬。

後二句說
上半題

首春渭西郊行呈藍田張二主簿

藍田縣屬西安

回風度雨渭城西。細草新花踏作泥。秦女峰頭雪未盡。胡公陂上日初低。愁窺白髮羞微祿。悔別青山憶舊溪。聞道輞川多勝事。玉壺春酒正堪携。

暮春虢州東亭送李司馬歸扶風別廬

扶風今鳳翔府

柳。鞦。鶯。嬌。花。復。殷。紅。亭。綠。酒。送。君。還。到。來。函。谷。愁。中。月。歸。去。磻。溪。夢。裏。山。簾。前。春。色。應。須。惜。世。上。浮。名。好。是。閒。西。望。鄉。關。腸。欲。斷。對。君。衫。袖。淚。痕。斑。

萬歲樓

潤州城上西南隅。晉刺史王恭建。

王昌齡

江上巍巍萬歲樓不知經歷幾千秋年年喜見山長
在日日悲看水獨流猿猴何曾離暮嶺鸛鶴空自泛
寒洲誰堪登望雲烟裏向晚茫茫發旅愁

詠懷古蹟

杜甫

諸葛大名垂宇宙宗臣遺像肅清高三分割據紆籌
策萬古雲霄一羽毛伯仲之間見伊呂指揮若定失
蕭曹兩語氣概別足掩上句之卷如運移漢祚終難
復志決身殲軍務勞

蜀相

丞相祠堂何處尋錦官城外柏森森映階碧草自春

色隔葉黃鸝空好音三顧頻繁天下計兩朝開濟老
臣心出師未捷身先死長使英雄淚滿襟劉云全首
一淚矣○又云寫得使人不忍讀故以
為至○又云千年遺下此語使人意傷

題張氏隱居

春山無伴獨相求伐木丁丁山更幽起借伐木詩
意賦而興也
道餘寒歷冰雪石門斜日到林丘三四寫其僻處幽
栖之狀以總起
不貪夜識金銀氣遠害朝看麋鹿遊求訪隱居之
事後乃美張
金銀氣貪者自不識二語開道之言人不能解
乘興
蕭然迷出處對君疑是泛虛舟處作去音虛
舟正對出處
宣政殿退朝晚出左掖舊史舍元殿後曰宣
政殿公時為拾遺

曹甫

卷之四

天門日射黃金榜。春殿晴薰赤羽旗。宮草菲菲承委
珮。爐烟細細駐遊絲。雲近蓬萊常五色。雪殘鳩鵲亦
多時。中四句侍臣緩步歸青瑣。退食從容出每遲。

紫宸殿退朝口號

紫宸殿在宣政次北。舊史太極殿朝堂。兩儀殿。

常日聽政。東內大明宮之宣政紫宸延英等殿。不時御焉。

戶外昭容紫袖垂。雙瞻御座引朝儀。香飄合殿春風

轉。花覆千官淑景移。從容富麗畫漏稀聞高閣報。天顏有

喜近臣知。前六句言入朝之景與事。宮中每出歸東省。會遇菱龍

集鳳池。結言退朝事。

曲江對酒

花外江頭坐不歸。水晶宮殿轉霏微。桃花細逐揚花

落。黃鳥時兼白鳥飛。四句亦自恣肆。揚自對桃。白自對黃。謂之自對格。縱飲

久。拚人共棄。懶朝真與世相違。吏情更覺滄洲遠。老

大徒傷未拂衣。此時疑以收房珣被。故有拂衣之感。

九日藍田崔氏莊

老去悲秋強自寬。興來今日盡君歡。羞將短髮還吹

帽。笑倩旁人為正冠。流水聯在難。尤難。藍水遠從千澗落。玉

山高並兩峰。寒起以落字映明年此會知誰健。醉把茱

萸仔細看。結達者之言。得細方言而雅。

望野

曾補

卷之四

十一

西山白雪三城戍南浦清江萬里橋望中海內風塵

諸弟隔天涯涕淚一身遙語出自家衷腸妙在真處

以報聖朝則天涯涕然一身祇以供多病而不

聖朝跨馬出郊時極目不堪人事日蕭條寓望

登樓時在閬州聞嚴武復

花近高樓傷客心萬方多難此登臨二句喚應後六

錦江春色來天地野馬細細玉壘浮雲變古今狗

北極朝廷終不改西山寇盜莫相侵因登樓

可憐後主還祠廟日暮聊為梁甫吟上句有興亡之感落句公

以自

秋興 四首

玉露凋傷楓樹林巫山巫峽氣蕭森江間波浪兼天

湧塞上風雲接地陰中四句交股應叢菊兩開他日

淚孤舟一繫故園心寒衣處處催刀尺白帝城高急

暮砧末句掉下一聲

千家山郭靜朝暉日日江樓坐翠微信宿漁人還泛

泛清秋燕子故飛飛燕對漁是假對漁之生計浦口

宿日清秋公以况匡衡抗疏功名薄劉向傳經心事

違既前後不扣涉只用二人名亦莫知其意之所在

故同學少年多不賤五陵衣馬自輕肥

蓬萊宮闕對南山。承露金莖霄漢間。西望瑤池降玉
母。東來紫氣滿函關。雲移雉尾開宮扇。日繞龍鱗識
聖顏。一卧滄江驚歲晚。幾回青瑣點朝班。

昆明池水漢時功。武帝旌旗在眼中。玄宗嘗有事南

言織女機絲虛夜月。石鯨鱗甲動秋風。波漂菰米沉

雲黑。露冷蓮房墜。松紅關塞極天惟。鳥道江湖滿地

一漁翁。鳥對漁亦假對。上句極險

吹笛夔州作

吹笛秋山風月清。誰家巧作斷腸聲。風飄呂律相和

切。月傍關山幾處明。出風月二字胡騎中宵堪北走

武陵一曲想南征。見其聲既斷腸。應第二句然北走

也。故園楊柳今搖落。何得愁中却盡生。此以曲名翻

字亦與斷腸字相應。

閣夜夔州作

歲暮陰陽催短景。天涯風雪霽寒宵。五更鼓角聲悲

壯。閣上三峽星河影動搖。閣上野哭千家聞戰伐。夷

歌幾處起漁樵。聞野哭也。起夷歌也。蜀臥龍躍

馬終黃土。人事音書漫寂寥。

返照

楚王宮北正黃昏。白帝城西過雨痕。返照入江翻石

曾補

卷之四

八

壁應次句落照搖歸雲擁樹失山村應首句暗雲迷

衰年病肺惟高枕絕塞愁時早閉門惟高枕形容病

時不可久留豺虎亂南方實有未招魂招魂應楚

登高

風急天高猿嘯哀渚清沙白鳥飛迴雖起聯而句中

聯亦多無邊落木蕭蕭下寫聲應風不盡長江滾滾

來寫勢應渚萬里悲秋常作客見無百年多病獨登

臺見無艱難苦恨繁霜鬢潦倒新停濁酒杯

秋夜寄皇甫冉鄭豐

劉方平

洛陽清夜白雲歸城裏長河列宿稀秋後見飛千里

鴈月中聞搗萬家衣長憐西雍青門道久別東吳黃

鶻磯借問客書何所寄用心不啻兩鄉違

西塞下廻舟作

陶峴

匡廬舊業是誰主吳越新居安此生白髮數莖歸未

得青山一望計還成鴉翻楓葉夕陽動鷺立蘆花秋

水明從此捨舟何所詣酒旗歌扇正相迎

長沙過賈誼宅

一然志賈誼宅在長沙府治中羅錦坊

劉長卿

三年作官此棲遲萬古惟留楚客悲秋草獨尋人去

後寒林空見日斜時漢文有道恩猶薄湘水無情取

莫知寂寂江山搖落處。憐君何事到天涯。

登劉客高齋

時公初退相

錢起

能以功成疎寵位。不將心賞負雲霞。林間客散孫弘閣。城上山宜綺季家。蝴蝶晴連池岸草。黃鸝晚出柳園花。日陪鯉也趨文苑。誰道門生隔絳紗。

闕下贈裴舍人

二月黃鸝飛上林。春城紫禁曉陰陰。長樂鐘聲花外盡。龍池柳色雨中深。陽和不散窮途恨。霄漢長懸白日心。獻賦十年猶未遇。羞將白髮對華簪。

和王員外晴雪早朝

紫微晴雪帶恩光。繞仗偏隨鴛鴦行。長信月留寧避曉。宜春花滿不飛香。獨看積素凝清禁。已覺輕寒讓太陽。題柱盛名兼絕唱。風流誰繼漢田郎。

自鞏洛舟行入黃河即事寄府縣寮友

洛水出陝西

家嶺山。東流經鞏縣。八十里。鞏古北地屬河南。

韋應物

夾水蒼山路向東。東南山豁大河通。寒樹依微遠天外。夕陽明滅亂流中。孤村幾歲臨伊岸。一鴈初晴下朔風。為報洛橋遊宦侶。扁舟不繫與心同。

題慈恩寺塔

章八元

七層突兀在虛空。四十門開面面風。却怪鳥飛平地

上自驚人語半天中。翅梯暗踏如穿洞。絕頂初攀似
出籠。落日鳳城佳氣入。滿城春樹雨濛濛。

贈錢起秋夜宿靈臺寺見寄 郎士元

石林精舍武漢東。夜叩禪扉謁遠公。月在上方諸品
靜。心持半偈萬緣空。蒼苔古道行應遍。落木寒泉聽
不窮。更憶雙峰最高頂。此心期與故人同。

夏夜宿表兄宅話舊 竇叔向

夜合花開香滿庭。夜深微雨醉初醒。遠書珍重何曾
達。舊事淒涼不可聽。去日兒童皆長大。昔年親友半
凋零。明朝又是孤舟別。愁見河橋酒幔青。

長安春望 盧綸

東風吹雨過青山。却望千門草色間。家在夢中何日
到。春來江上幾人還。川原繚繞浮雲外。宮闕參差落
照間。誰念為儒逢世難。獨將衰鬢客秦關。

陸勝宅秋雨中探韻同前 張南史

同人永日自相將。深竹間園偶辟疆。已被秋風教憶
鱸。更聞寒雨勸飛觴。歸心莫問三江水。旅服從沾九
日霜。醉裏欲尋騎馬路。蕭條是處有垂楊。

鹽州過胡兒飲馬泉 唐制鹽州五原郡本鹽州
正觀二年置州豐州城北

有礪鵝泉。胡人飲馬于此。鹽豐
並屬關內道。今山西大同府地。 李益

綠楊著水草如烟。舊是胡兒飲馬泉。幾處吹笳明月夜。何人倚劍白雲天。從來凍合關山道。今日分流漢使前。莫遣行人照容鬢。恐驚憔悴入新年。

登柳州城樓寄漳汀封連四州刺史

柳宗元

城上高樓接大荒。海天愁思正茫茫。驚風亂颭芙蓉水。密雨斜侵薜荔牆。又下中樹嶺重遮千里目。江流曲似九迴腸。共來百粵文身地。猶自音書滯一鄉。

奉和庫部盧四兄曹長元日朝迴 韓愈

天仗宵嚴建羽旄。春雲送色曉雞號。金爐香動螭頭

暗。玉佩聲來雉尾高。戎服上趨承北極。儒冠列侍映東曹。太平時節身難遇。郎署何須笑二毛。

寄蘇州白二十二使君 張籍

三朝出入紫微臣。頭白金章未在身。登第早年同座主。相思今日異州人。閭門柳色烟中遠。茂苑鶯聲雨後新。此處吟詩向山寺。知君忘却曲江春。

春題湖上 白居易

湖上春來似畫圖。亂峰圍繞水平鋪。松排山面千重翠。月點波心一顆珠。碧毯線頭抽早稻。青羅裙帶展新蒲。未能拋得杭州去。一半勾留是此湖。

碧城

李商隱

碧城十二曲闌干。犀辟塵埃玉辟寒。閭苑有書多附鶴。女牆無樹不棲鸞。星沉海底當窺見。雨過河源隔座看。若是曉珠明又定。一生長對水精盤。

增補唐詩選卷之四終

增補唐詩選卷之五

明 濟南李攀龍 選

清 虞山錢謙益 評 日本 齋藤實穎 抄錄

五言排律

排律之作。其源自類謝諸人。古詩之變。首尾排句連對。精密與古詩差別。

還田宅

齊諧氣揚。法嚴。全見成唐矣。

揚師道

暮春還舊嶺。徒倚翫年華。芳草無行逕。空山正落花。垂藤掃幽石。卧柳礙浮槎。鳥散茅簷靜。雲披澗戶斜。依然此泉路。猶是昔烟霞。

送劉校書從軍

楊炯

天將下三宮。星門列五戎。坐謀資廟畧。飛檄佇文雄。

赤土流星劍烏踰明月弓。秋陰生蜀道殺氣繞遑中。
風雨何年別琴尊。此日同離亭不可望。溝水自西東。

靈隱寺

杭州晉咸和初。西僧慧理。登靈隱天竺
兩山之間。嘆曰。此中天竺國靈鷲山小
嶺。不知何以飛來。因結庵。名曰靈隱。命
其峰曰飛來山。有靈鷲塔。亦慧理遺蹟。

駱賓王

鷲嶺鬱岧峣。龍宮鎖寂寥。樓觀滄海日。門對浙江潮。
桂子月中落。天香雲外飄。捫蘿登塔遠。剡水取泉遙。
霜薄花更發。水輕葉互凋。夙齡尚遐異。披對滌煩囂。
待入天台路。看余渡石橋。無末二句亦自結得

宿温城望軍營

温城即温池城。唐屬
靈州。今寧夏中衛地。

虜地寒膠折。邊城夜柝聞。兵符關帝闕。天策動將軍。
塞靜胡笳徹。沙明楚練分。風旗翻翼影。杜詩旌旗日
此意。然此霽劍轉龍文。白羽搖如月。青山斷若雲烟
五字尤妙。踈疑卷幔塵。滅似銷氛。投筆懷班業。臨戎想召勳。還
應雪漢恥。持此報明君。

在廣聞崔馬二御史並登相臺

蘇味道

振鷺纔飛日。遷鶯遠聽聞。明光共待漏。清覽各披雲。
喜得廊廟舉。嗟為臺閣分。故林懷柏悅。新握阻蘭薰。
冠去神羊影。車迎瑞雉群。遠從南斗外。遙望列星文。

奉和幸韋嗣立山莊應制

景龍三年。中宗幸嗣
立山莊。命從官賦詩。

制序制簡今西安府
有道遙公閣故跡

李嶠

南洛師臣契東巖王佐居幽情遺綬冕宸眷曠樵漁
 制下峒山蹕恩回灞水與松門駐旌蓋薜帷引簪裾
 石磴平黃陸烟樓半紫虛雲霞仙路近琴酒俗塵踈
 喬木十齡外懸泉百丈餘崖深經鍊藥穴古舊藏書
 樹宿搏風鳥池潛縱壑魚寧知天子貴尚憶武侯廬

白帝城懷古 漢光武時公孫述據成都自稱白
 帝以蜀居四方之西而自西方邑
 也。因更名巴郡曰
 白帝城。唐改夔州。

陳子昂

日落滄江晚停撓問土風城臨巴子國台沒漢王宮
 荒服仍周甸深山尚禹功巖懸青壁斷地險碧流通

古木生雲際歸帆出霧中川途去無限客思坐何窮

峴山懷古 山在襄陽

秣馬臨荒甸登高覽舊都猶悲墮淚碣尚想臥龍圖
 城邑遙分楚山川半入吳丘陵徒自出賢聖幾凋枯
 野樹蒼烟斷津樓晚氣孤誰知萬里客懷古正踟躕

贈蘇味道

杜審言

北地寒應苦南城戍不歸邊聲亂羌笛朔氣捲戎衣
 雨雪關山暗風霜草木稀胡兵戰欲盡漢卒尚重圍
 雲淨妖星落秋高塞馬肥 前只說邊景後據鞍雄劍
 纔歸到蘇身上

動搖筆羽書飛輿駕還京邑朋遊滿帝畿方期來獻

凱歌舞共春暉

度石門山

石門千仞斷。迸水落遙空。道束懸崖半。橋欹絕澗中。
仰攀人。屢息直下騎。繞通泥壅奔。蛇徑雲埋伏。獸叢
星纏牛斗北。地脈象牙東。開塞隨行變。高深觸望同。
江聲連驟雨。日氣抱殘虹。未改朱明律。先含白露風。
堅貞深不憚。險澀諒難窮。有異登臨賞。徒為造化工。

酬蘇員外味玄夏晚寓直省中見贈員外屬尚書省自漢

以來尚書諸曹有郎中侍郎無員外唐制每曹置一員外郎寓直謂宿禁中以備非常也凡郎官皆主更直執戟衛諸宮殿

沈佺期

並命登僊閣。通宵直禮闈。大官供宿膳。侍史護朝衣。
卷幔天河入。開窓月露微。小池殘暑退。高樹蚤涼歸。
冠劍無時釋。軒居待漏飛。明朝題漢柱。此等題便三署有光輝

同韋舍人早朝

舍人掌詔詰之官屬中書晉時始置

閭闔連雲起。巖廊拂霧開。玉珂龍影度。珠履鴈行來。
長樂宵鐘盡。明光曉奏催。一經傳舊德。五字擢英才。
儼若神仙去。紛從霄漢回。千春奉休曆。分禁喜趨陪。

奉和幸長安故城未央宮應制

長安故城在西安府西北本秦

離宮漢高帝自櫟陽城徙都于此未央宮在其西景龍二年中宗幸焉

宋之問

漢王未息戰。蕭相乃營宮。壯麗一朝盡。威靈千載空。

皇明帳前跡。置酒宴群公。寒輕彩仗外。春發幔城中。

樂思迴斜日。歌詞繼大風。大風對斜。日不同。今朝天子貴。不

假叔孫通。

奉和晦日幸昆明池應制

池在上林苑。景龍三年正月晦日。中宗幸

池賦詩。群臣應制百餘篇。惟沈宋二詩不下。移時一紙飛墜。競取而觀。

上官昭容選一篇為新翻御製曲。從臣悉集。

乃沈詩也。及問其評曰。二詩工力悉敵。沈詩落句詞氣已竭。宋詩猶健舉。全遂服不敢

復爭。

春豫靈池會。滄波帳殿開。舟凌石鯨度。槎拂斗牛迴。

節晦黃金落。要見得是正月晦急。春暹柳暗催。象溟

看浴景。燒劫辨沉灰。鎬飲周文樂。汾歌漢武才。不愁

明月盡。自有夜珠來。

和姚給事寓直之作

秦有給事黃門之職。漢因之。後改侍中。侍郎。唐屬門

下省省有侍中二人。黃門侍中二人。給事中四人。左散常侍二人。校書一人。

清論滿朝陽。高才拜夕郎。還從避馬路。來接珥貂行。

寵就黃扉日。威迴白簡霜。栢臺遷鳥茂。蘭署得人芳。

禁靜鐘初徹。更踈漏更長。曉河低武庫。流火度文昌。

寓直光輝重。乘秋藻翰揚。暗投空欲報。下調不成章。

早發始興江口至虛氏村作

江在廣東詔州亦名曲江

候曉踰閩嶂。乘春望越臺。宿雲鵬際落。殘月蚌中開。
薜荔採青氣。枇杷翳碧苔。桂香多露裏。石響細泉回。
抱葉玄猿嘯。銜花翡翠來。南中雖可悅。北思日悠哉。
似散不收 鬢髮俄成素。丹心已作灰。何當首歸路。行剪故園萊。

使過襄陽登鳳林寺閣

香閣臨清漢。丹梯隱翠微。林篁天際密。人世谷中違。
苔石銜仙洞。蓮舟泊釣磯。山雲浮棟起。江雨入庭飛。
信美雖南國。嚴程限北歸。幽尋不可再。留步惜芳菲。

同錢揚將軍兼原州都督御史中丞

唐關內道兼原州都

督府今平涼府鎮原縣是。御史大夫亦有兩丞。其一曰御史丞。其一曰御史中丞。秦官也。隋世諱中省中丞。唐貞觀末復置。

蘇頌

右地接龜沙。中朝任虎牙。然明方改俗。去病不為家。
將禮登壇盛。軍容出塞華。朔風搖漢鼓。邊月思胡笳。
旗合無邀正。冠危有觸邪。當看勞旋日。及此御溝花。

奉和聖製途經華嶽

張說

西嶽鎮皇京。中峰入太清。玉鑿重嶺應。緹騎薄雲迎。
白日懸高掌。寒空映削成。軒遊會神處。漢幸望仙情。
舊廟青林古。新碑綠字生。群臣願封岱。廻駕勒鴻名。

奉和聖製早度蒲關

蒲關即蒲東關秦孟明濟河楚舟處在蒲州則黃河

西岸在晉安則黃河東岸

張九齡

魏武中流處軒皇問道迴長堤春樹發高掌曙雲開

龍負玉舟度人占仙氣來五六句與三四句說爽而較典河津會日

月天仗役風雷東顧重關盡西馳萬國陪還聞股肱

郡元首咏康哉

和許給事直夜簡諸公

未央鍾漏晚仙宇藹沉沉武衛千廬合嚴扃萬戶深

左掖知天近南窓見月臨樹搖金掌露庭接玉樓陰

他日聞更直中宵屬所欽聲華大國寶夙夜侍臣心

逸興乘高閣雄飛在禁林寧思竊抃者情發為知音

酬趙二侍御史西軍贈兩省舊寮之作

唐制門下中書

在宣政殿東西總稱北省而尚書在外謂之南省又別稱門下為左省東省中書為右省西省而復通謂之兩省

石室先鳴者金門待制同操刀常願割持斧竟稱雄

應敵兵初起緣邊虜欲空使車經隴月征旆繞河風

忽枉兼金訊非徒秣馬功氣清蒲海曲聲滿栢臺中

顧已塵華省欣君震遠戎明時獨匪報常欲退微躬

奉和聖製送尚書燕國公說起朔方軍

宗臣事有征廟算在休兵天與三台座人當萬里城

朔南方偃革。河右暫揚旗。寵賜從仙禁。光華出帝京。
 山川勤遠畧。原隰軫皇情。為奏薰琴倡。仍題瑤劍名。
 聞風六郡勇。計日五戎平。山甫歸應疾。留侯功復成。
 歌鐘旋可望。枕席豈難行。四牡何時入。吾君聽履聲。
 奉和御製璟與張說源乾曜同日上官命宴都
 堂賜詩應制

堂賜詩應制

宋璟

丞相邦之重。非賢諒不居。老臣庸且憊。何德以當諸。
 厚秩先為忝。崇班復此除。太常陳禮樂。中夜降蕃禱。
 聖酒江河潤。仙文象緯舒。冒恩懷寵錫。陳力省空虛。
 郭隗慚無駿。馮諼愧有魚。不知周勃者。榮幸定何如。
 奉和聖製送張說上集賢學士賜宴

奉和聖製送張說上集賢學士賜宴

蕭嵩

帝曰簡才能。旗賢在股肱。文章體一變。禮樂道逾弘。
 芸閣英賢入。賓門鷓鴣登。恩筵過所望。聖澤實超恆。
 夏葉開紅藥。餘花發紫藤。微臣亦何幸。叨此預文明。

奉和聖製暮春送朝集使歸郡應制

自外入朝與朝班者

曰朝集使

王維

萬國仰宗周。衣冠拜冕旒。玉乘迎大客。金節送諸侯。
 祖席傾三省。褰帷向九州。揚花飛上路。槐色蔭通溝。
 來預鈞天樂。

此句固陪下句而來。歸分漢主憂。宸章類設。亦從起句而來。

河漢垂象滿中州

送李太守赴上洛

今陝西西安府商縣水勢始封地唐天寶初為上洛郡

商山包楚鄧積翠藹沉沉驛路飛泉灑關門落照深

野花開古戍行客響空林板屋春多雨山城晝欲陰

丹泉通號畧白羽抵荆岑若見西山爽應知黃綺心

送秘書龍監還日本

古倭奴國後惡倭名更號日本自言國近日所出以為名貞觀初遣使入朝其有願留中國授經肄業者久乃請還

為名貞觀初遣使入朝其有願留中國授經肄業者久乃請還

積水不可極安知滄海東九州何處遠萬里若乘空

向國惟看日歸帆但信風神境俱到送目熬身映天

黑魚眼射波紅鄉國扶桑外主人孤島中別離方異

域音信若為通

送儲邕之武昌

武昌古鄂地梁權賊關羽自公安徙都此因名武昌

李白

黃鶴西樓月長江萬里情春風三十度空憶武昌城

送爾難為別銜杯惜未傾湖連張樂地山逐泛舟行

諾謂楚人重詩傳謝眺清滄浪吾有曲寄入棹歌聲

自樂城赴永嘉枉路從白湖寄松陽李少府

張子容

西行礙淺石北轉入谿橋樹色烟輕重湖光風動搖

百花亂飛雪萬領登青霄後挂臨潭篠鷗迎出浦撓

惟應賞心客。茲路不言遙。

陪張丞相自松滋江東泊渚宮 孟浩然

放溜下松滋。登舟命楫師。寧忘經濟日。不憚五寒時。
洗幘豈獨古。濯纓良在茲。政成人自理。機息鳥無疑。
雲物凝孤嶼。江山辨四維。晚來風稍緊。冬至日行遲。
獵響驚雲夢。漁歌激楚詞。渚宮何處是。川暝欲何之。

送柴司戶充劉卿判官之嶺外 今兩廣皆貞觀中置嶺南道

高適

嶺外資雄鎮。朝端寵節旄。月卿臨幕府。星使出詞曹。
海對羊城澗。山連象郡高。風霜驅瘴癘。忠信涉波濤。

別恨隨流水。交情脫寶刀。有才無不適。行矣莫徒勞。

陪竇侍御泛靈雲池 涼州

白露先時降。清川思不窮。江湖仍塞上。舟楫在軍中。
舞換臨津樹。歌饒向晚風。夕陽連積水。邊色滿秋空。
乘興宜投轄。邀歡莫避驄。誰憐持弱羽。猶欲伴鷓鴣。

重經昭陵 唐太宗陵在醴泉縣西。天寶九載自東都復歸長安。

杜甫

草昧英雄起。謳歌曆數歸。風塵三尺劍。社稷一戎衣。
翼亮貞文德。丕承戢武威。 用經語入詩。他處此便掛帶。 聖圖天廣。
大宗祀日光輝。陵寢盤空曲。熊羆守翠微。 守字說再出神來。

窺松柏路。還見五雲飛。

王閩州筵奉酬十一舅惜別之作時有吐蕃

恩之亂。○廣德初。自梓州。嘗往閩州。作閩州。今保寧府。

萬壑樹聲滿。千巖秋氣高。浮舟出郡郭。別酒寄江濤。
良會不復久。此生何太勞。窮愁但有骨。群盜尚如毛。
吾舅惜分手。使君寒贈袍。沙頭暮黃雀。失侶亦哀號。

春歸廣德初公再歸成都

苔徑臨江竹。茅簷覆地花。別來頻甲子。歸到忽春華。
倚杖看孤石。傾壺就淺沙。遠鷗浮水靜。輕燕受風斜。
世路難多梗。吾生亦有涯。此身醒復醉。乘興即歸家。

歸字重。作為字。

江陵望幸上元初。以江陵府為南都。○廣德初。吐蕃入寇。代宗幸陝。以衛伯玉拜荆

南節度使。意是時代宗議幸江陵。故有此作。

雄都尤壯麗。望幸歛威神。地利西通蜀。天文北照秦。
風烟含越鳥。舟楫控吳人。中四句應首句未枉周王駕。終期
漢武巡。甲兵分聖旨。居守付宗臣。蚤發雲臺仗。恩波
起涸鱗。後六句應次句

奉觀嚴鄭公廳事岷山沱江圖嚴武幕中作

沱水臨中座。岷山赴北堂。白波吹粉壁。青嶂插雕梁。
直訝杉松冷。兼疑菱荇香。雪虛點綴。沙草得微茫。

嶺雁隨毫末。川霓飲練光。霏紅洲葢亂。拂黛石羅長。
暗谷非關雨。丹楓不為霜。秋城玄圃外。景物洞庭傍。
繪事功殊絕。幽襟興激昂。從來謝太傅。丘壑道難忘。

行次昭陵

天寶五載。自東都歸長安。應詔道中作。

舊俗疲庸主。群雄問獨夫。識歸龍鳳質。威定虎狼都。

天屬尊堯典。神功協禹謨。風雲隨絕足。日月繼高衢。

狀他父子間意。文物多師古。朝廷半老儒。直詞寧戮辱。賢路

不崎嶇。往者災猶降。蒼生喘未蘇。指揮安率土。盪滌

撫洪鑪。壯士悲陵邑。幽人拜鼎湖。玉衣晨自舉。鐵馬

汗常趨。松柏瞻虛殿。塵沙立暝途。寂寥開國日。流恨

滿山隅

冬日洛城北。謁玄元皇帝廟。廟有吳道子畫五

聖圖

天寶初。老子降于丹鳳門之通衢。告錫靈符在尹喜故宅。上遣使得之。乃置玄元廟。

于天寧坊。追尊聖祖大道玄元皇帝。仍詔州郡立紫微宮。畫像事之。五聖則列侍左右。五

聖高祖。太宗。高宗。中宗。睿宗也。天寶間。並加大聖皇帝之號。

配極玄都。闕馮高禁籙。長守祕嚴。具禮掌節。鎮非常

碧瓦初寒外。金莖一氣旁。金莖。凡語。變化氣象。上。山

河扶繡戶。日月近雕梁。仙李盤根大。猗蘭奕葉光。唐

老子為聖祖。曰盤根。曰奕葉。曰祕。曰節。皆以祖廟事言。世家遺舊史。道德付今

玉。畫手看前輩。吳生遠擅場。森羅移地軸。妙絕動宮

牆五聖聯龍衮。千官列雁行。冕旒俱秀發。旌旆盡飛揚。
 揚翠栢。深留景。紅梨迥得霜。風箏吹玉柱。露井凍銀床。
 床身退。卑周室。經傳拱漢皇。谷神如不死。養拙更何鄉。
恰惹著 鄉老子。

聖善閣送裴迪入京

李頎

雪華滿高閣。苔色上勾欄。藥草空塔靜。梧桐返照寒。
 清吟可愈疾。携手暫同歡。墜葉和金磬。鷓鴣鳴露盤。
 伊流惜東別。灞水向西看。舊託含香署。雲霄何足難。

結處見入京意

早秋與諸子登魏州西亭觀眺

魏州今河南府 陝州周封魏仲

此于

岑參

亭高出鳥外。客到與雲齊。樹點千家小。天圍萬嶺低。
 殘虹挂陝北。急雨過關西。登慈恩寺浮圖五言古酒 同與此作機智有同處
 檻緣青壁小。田傍綠溪微。官何足道愛。客且相携唯。
 有鄉園處。依依望不迷。

清明宴司勳劉郎中別業

祖詠

田家復近臣。行樂不違親。霽日園林好。清明烟火新。
 以文常會友。惟德自成隣。川經語入詩。獨此聯為工確。池照窓陰晚。
 杯香藥味春。欄前花覆地。竹外鳥窺人。何必桃源裏。
 深居作隱倫。

奉使巡檢兩京種果樹事畢入秦因詠歌

鄭審

聖德周天壤。韶華滿帝畿。九重承渙汗。千里樹芳菲。
陝塞餘陰薄。關河舊色微。發聲和氣動。封植衆心歸。
春露條應弱。秋霜果定肥。影移行子蓋。香撲使臣衣。
入徑迷馳道。分行接禁圍。何當屬仙躡。攀折奉恩輝。

看他用何當。

行營酬呂侍御

公自注時尚書問罪襄陽軍次漢東境上侍御以舟臨賊境復

有水火迫于征稅詩以見喻

劉長卿

不敢淮南臥。來趨漢將營。受辭瞻左鉞。扶疾拜前旌。

井。衣樂。壺漿。霍髮迎。水歸餘。斷岸。烽至。掩孤城。

晚日當千騎。秋風合五兵。孔璋才素健。健一作重早晚檄

書成。

送鄭說之歙州謁薛侍郎

歙州今徽州。秦為郡。晉為新安。

漂泊來千里。謳歌滿百城。漢家尊太守。魯國重諸生。

俗變人難理。江傳水至清。船經危石住。路入亂山行。

老得滄洲趣。春傷白首情。滄白假對嘗聞馬南郡。門下有

康成。恰是送鄭說話

送韓校書赴江西

無可

車馬東門別。揚帆過楚津。花繁期到幕。雪在已離秦。

吟落江沙月。行飛驛騎塵。猿聲孤島雨。草色五湖春。
折葦鳴風岸。遙烟起暮嶺。鄱江連郡府。高興寄何人。

增補唐詩選卷之五終

